

Edisi Kedua 2024

MITASA
KESATUAN KAKITANGAN AKADEMIK UNIVERSITI TEKNOLOGI MARA



Suara

MITASA

Bengkel e-TUIS,
bantu kesatuan
lebih efisien

Risiko psikososial
tempat kerja:
ke arah menjadikan UiTM
sebagai majikan yang
sihat dan selamat

Usah aniaya anak buah,
jawatan adalah amanah
dan keadilan

Kenapa Susahnya
Nak Naik Pangkat?

PTM beri pendedahan
kepada pensyarah baharu

Insentif Kecemerlangan
SPM terus bantu anak
ahli MITASA

ISSN 3083-6116



9 773063 611009

Permulaan yang sempurna

"Jomlah masuk MITASA", dialog yang sering diucap oleh Presiden, Exco, ahli Majlis Kerja MITASA dan ahli yang aktif kepada para akademik di UiTM seluruh Malaysia. Maklum balas dan respon

yang selalu diterima adalah "dapat apa masuk MITASA?" Persoalan yang menarik untuk dibahaskan kerana fitrah manusia adalah mencari manfaat dan faedah dalam sesuatu hal.

Apa itu MITASA? Diterjemahkan sebagai Kesatuan Kakitangan Akademik Universiti Teknologi MARA, adakah anda tahu apa itu kesatuan sekerja? Menurut Kamus Dewan Bahasa Dan Pustaka, Edisi Keempat, kesatuan sekerja bermaksud perkumpulan atau pergabungan pekerja yang terlibat dalam jenis kerja yang sama dan bertujuan menjaga kepentingan mereka. Justeru, kakitangan akademik di UiTM bersatu teguh di bawah naungan kesatuan (MITASA) ini demi menyuarakan suara dan pendapat pensyarah, menjaga kebajikan dan mempertahankan hak-hak kita.

"Eh, boleh ya buat kesatuan sekerja di kalangan pensyarah?" Akta Kesatuan Sekerja 1959 (Trade Union Act) memberi hak kepada semua pekerja, dalam suatu pekerjaan atau industri yang sama, sepenuh masa atau separuh masa untuk membentuk dan menyertai kesatuan sekerja selagi kesatuan tersebut berdaftar.

Jadi, ada apa dengan MITASA? "Dapat apa ya masuk MITASA?" Persoalan yang paling kerap ditanya oleh ahli-ahli akademik kerana yuran keahlian sebanyak RM6.00 perlu dibayar pada setiap bulan. Kepentingan dan hak asas yang ditekankan oleh undang-undang kesatuan sekerja berdasarkan dua (2) perkara utama iaitu pertama; hak untuk membuat rungutan (complaint) berkaitan kerja tanpa ada rasa takut untuk dibuang kerja dan kedua; hak untuk berunding secara kolektif untuk keadaan kerja yang lebih kondusif dan baik.

"Kalau tak masuk MITASA pun tak ada hal kan...", ini juga ungkapan yang selalu didengari di kalangan ahli akademik terutamanya yang berjawatan Gred 52 ke bawah. Menyertai MITASA adalah tidak wajib, namun realiti kepentingan penyertaan kesatuan sekerja seperti MITASA akan dicerminkan dengan jelas apabila seseorang staf akademik itu mempunyai isu yang melibatkan pusat tanggungjawabnya (PTJ) atau dengan bahasa yang lebih mudah 'boss'. Ketika tidak kelihatan ruang dan peluang untuk bertindak seorang diri, staf tersebut akan mencari platform yang lebih utuh seperti kesatuan sekerja iaitu MITASA. Realitinya apabila ikan-ikan kecil bersatu padu dan saling menyokong sehingga menjadi kesatuan yang kuat dan hebat, pastinya pasukan itu boleh berhadapan dan mengalahkan seekor jerung yang sifat semula jadinya liar dan ganas.

Kes apakah yang telah MITASA berjaya selesaikan? Pencapaian dan sumbangan MITASA dalam memperjuangkan kepentingan, kebajikan dan hak-hak ahlinya boleh dilayari di laman sesawang <https://mitasa.uitm.edu.my/new/>. Tunggu apa lagi wahai para pensyarah sekalian, marilah bersama-sama kita bersatu-padu dan mendokong antara satu sama lain di dalam kesatuan sekerja kita; MITASA demi menjadi insan yang bermanfaat kepada insan lain.

Ada apa dengan MITASA?

Sharifah Yuliana Syed Ali Hanafiah

Pensyarah Fakulti Komunikasi dan Pengajian Media

Untuk sebarang urusan berkaitan akses terhadap MITASA, ahli-ahli boleh mengikuti kami di platform media sosial MITASA dengan mengimbas kod QR yang disediakan seperti Tiktok, Facebook, Instagram dan Twitter. Bersama ini juga disertakan kod QR untuk pendaftaran sebagai ahli dan borang aduan untuk ahli yang memerlukan.

Media Sosial MITASA




Tiktok



Facebook



Twitter



Instagram



Laman Web

Keahlian & Aduan



Kemaskini Keahlian



Borang Ahli



Borang Aduan



Siti Fatimah Awang
Setiausaha Media dan
Korporat MITASA
010-9280262



**Nadra Sharfina
Ab Rahman**
Setiausaha Pejabat MITASA
018-2365130